

續修陝西通志稿卷八十七

人物十四

孝義二

來嗣徽字懿園三原人幼賦至性以親老疾衝泌色養以樂其志親歿廬墓六載原邑寄甲涇陽者差徭偏苦嗣徽鬻產往納道遇舊識求助即以完賦十金贈之

崔維嶠三原人順治三年貿易山東至河間逆旅有客遺銀三百兩維嶠守候累日客尋至則山左明經朱應豸赴銓貲也驗實畀之朱以五十金爲報維嶠笑曰分惠孰若全獲乎拒不受朱旋授三原令旌其門

侯達先三原人御史于唐父爲人孝友淳謹父病疽親爲吮膿虔禱求代尋愈歲飢爲長孫毛坊楊杜各里代完逋賦千金取花名續陝西通志稿卷八十七人物十四 一一

册焚之

趙宏祚字達字三原人順治初流寇餘孽未靖宏祚甫五六歲隨寡母李氏逃避道遇寇欲劫其母宏祚號泣拜求賊不可乃引頸披胸乞賊及欲殺已以代母賊義而舍之稍長習賈養母挾貲走江淮間未一年欲馳歸同賈者怪之曰夜夢阿母呼我而號是必苦憶我心怛怛矣倉猝歸里見母母泣撫之曰人傳汝溺於水余痛而呼幾不欲生汝固無恙耶宏祚大哭曰奈何以財故累母自是誓不離膝下孺慕終身焉

貢洪麻字不承三原人慷慨好施出貲助有司賑荒並出千金補葺龍橋修理北郭城池

王繼蘭字子馨三原人六歲喪母躄踊類成人家貧行賈值父病心動輒歸最後父病噎滌穢嘗糞祈天請代事繼母得其歡心待

從弟從姪皆有恩

侯治國字佐字三原人客秦州牧張某幕值王輔臣變張誓死守城泣託妻子於治國令間道歸因幼子抱恙日行僅數里爲賊所獲賊欲留用治國正色拒絕脅以及終不變賊義而俱釋之卒不負所託

侯于楚字上卿三原人賈於吳父病喘棄貲馳歸枕臂抱臥至百日妻張氏產育有乳乃斷其子乳屢進於父病尋愈繼母患癰吮之亦痊友人李用美郝天知病歿無子爲之立嗣繼絕經紀其家崔爛三原人國學生乾隆十一年里民積欠地丁銀千有餘兩代爲完納有給券者毀之邑令旌其門

李璉三原人六歲喪母哀毀如成人事繼母如所生乾隆二十五年旌表同邑諸生楊道寅七歲喪母號痛幾絕父病二載日夜侍續陝西通志稿卷八十七 人物十四 二

側衣不解帶醫者謂其病不治乃膝行禱於嵯峨山神祠父尋愈後歿哀毀如禮負土成墳亦於二十九年旌表

馬正用字廷棟三原人明儒理七世孫少孤叔父寡恩姊氏予數金貿易寧州後叔歿二子往依各贈白金又爲之娶逾年消耗再贈如初晚年家居焚券千餘金子驥亦多義舉有父風

任吉士三原人天性純孝父母老病日夜侍奉毫無倦容及歿哀毀骨立喪葬如禮乾隆四十三年旌表

秦旭字方升三原人丁卯舉人五歲失恃事父以孝聞年四十妻亡不再娶終父身與同臥起值除夕父忽遘危疾跪禱於五祀神更餘不起疾頓愈父患喘不食叩禱先祠請減己算以益親壽額如墳起異日病瘳父年衰恒臥牀席飲食起居躬自扶掖六年不倦既歿號泣如孺子時方盛暑水漿不入口者三日葬祭如禮卒

後鄉人私諡孝正先生

王基泰三原人甫數歲父母有疾旦夕依榻前啼泣年十四母歿躄踊泣血遂致重聽每遇忌辰令節跪塚傍哀哭不輟乾隆六十年旌表同邑胡瑛天性孝友父年老朝夕奉養弗忍離亦於嘉慶三年旌表

李廷佐字輔臣三原人幼失怙稍長讀書忽泣問母兒何不得侍吾父遂廬居墓旁三年母歿亦然性好義因事赴蜀值重慶飢傾囊數千金賑之成都三義廟災火延數千家男女裸體奔避適逢久雨艱於食宿廷佐陰使人各予之金過寶鷄有婦人因夫遠出無消息夫弟逼嫁痛哭欲死乃僞爲其夫信封銀致送告以歸期婦得留已而夫果歸涇陽某商夥遺五千金倉皇覓不得欲投繯廷佐曰銀我拾得矣如數給之其人以非原物不肯受亡何有雍續陝西通志稿卷八十七 人物十四

三一

髮匠持銀至曰吾母謂李善人不拾金尙出金活人而獨非人耶廷佐生平善行不使人知然人卒知之故遠近皆曰李善人云其他救荒歉完通租立義學修橋梁恤孤寡施棺木修京師及省城會館義舉不可勝紀後祀忠孝鄉賢兩祠

楊不綬字章侯三原人父得腿疾求方耀州孫真人洞時薄暮山多狼不懼也後父母歿皆哀毀盡禮有姜姓者其祖父某不綬舊同賈友也生時嘗負不綬二千金至是乞毀其券不綬慨然與之又出券二萬餘金悉還其人親友或艱於婚葬輒典衣助其事道光十五年旌表

楊詔清字文潔三原人貢生父客漢口疾病詔清馳往侍奉歸里及病危禱天乞代母病思食瓜值仲春徧覓不得適東郊遇老翁語以故曰此有藏炭中者願爲贈持歸奉母病稍痊歲終母舅歿

未能殮遂以館穀十五金盡與之元日祀先乃典衣置具晏如也  
道光十七年旌表又劉永守亦三原人二十一年以孝子旌

仇文煥三原人乾隆庚寅舉人家貧授讀養親念母來氏苦節奮  
志名場年四十三始得第母歿哀毀成病未踰年亦卒光緒二年  
旌表

張謐字寧一三原人任漢中教授本縣城圯首捐千金繕葺之同  
邑李潤字涵益中書科中書創建北關文昌宮大吏給匾旌其門  
歲歉賑濟並捐數千金補修治城潤子大震四川候補知縣勤於  
學問睦族周貧

並縣志

杜永和三原農人母李氏年八十二有痼疾臥牀數年永和侍奉  
不懈一夜母思牛肉市遠不可得永和默念我生年屬牛我即牛  
也嘗聞人言古人割股療親事今我以肉啗母母其瘳乎乃徧禱

續陝西通志稿

卷八十七

人物十四

四一

家神入厨取刀割左股肉三四兩烹熟以進母食之甘次日病若  
失步履頗健人問其故詭對之或見其不良於行詰得實聞諸邑  
令以虧禮故例不得旌表賜以錢匾其門撫軍手書庸行流芳額  
以獎之同時有臨潼唯某年老疽發背垂死子婦李氏割臂肉和  
藥進之疽竟愈又扶風貧女魏氏字武功張管未嫁而管天女年  
十五徒行二十里奔喪誓事舅姑終身不返母家武功士人義之  
醮錢二百餘緡並置田若干畝爲養贍資事載櫻華館文集

採訪

余從仁三原人幼失怙事大父孝執母喪哀毀骨立性好施予有  
善人之稱嘗與李廷佐創修省城鄉試會館道光十八年以孝義  
旌又劉鎮劉鋪俱三原人與廷佐子優生應運道光中並以孝義  
旌又庠生劉汝芝及常魏亦以孝子旌表

王兆祥三原人咸豐二年以孝子旌同邑庠生溫之樸孝友好義

咎象鼎事親以禮族社諸義事多倡爲之十一年以義士旌又袁廷颺秦志潔門克恭張琪楊渠劉鎧劉士俊師孟張銳武琚段體徹劉釗及庠生楊皋許樟俱於是年以孝子旌

馬居正字植楠三原人樂善好施在成都捐義地數十畝以葬客死無歸者建屋數十間以居貧病殘疾者捐錢千餘緡修梓潼橋梁奏聞建坊又於小李村創建順德橋子雨霖字春舫諸生捐教職歷任武功邠州訓導性孝友而忼爽嘗修橋築渠道光丙午出千金賑飢

劉鈺字連珍三原人捐職游擊道光八年成都蓮池災十八年飢皆捐銀賑恤修灡橋捐銀四百兩二十一年捐銀四千兩助本邑賑濟

胡錫爵三原人與弟錫壤捐修文廟費銀四萬七千餘兩修東關續陝西通志稿卷八十七

人物十四

五一

城垣捐銀一萬三千餘兩重修社稷先農壇縣城及賑飢恤貧捐備童試卷貲又不下數萬金

張問心三原人孝行純篤承重居大父母喪哀不欲生三年不茹葷酒不處內衰麻不去身葬用灰隔法既葬早晚至墓所如定省者期年鄉里或不能葬娶竭力助之疾苦憂患設方保全時又有陳履鼎劉映蔭俱光緒三年旌

康悅來三原人道光丙午旱荒代完西陽合里貧民逋賦約千五百餘金復出麥四百餘石賑同社四堡全活甚衆貧民感之李科名三原人家貧事母備極色養嘗被人誣恐傷母心忍辱不令母知母年八十餘鄉村演劇雖十餘里必負母往觀親滌穢器不假妻手妻及女亦善承母志粗糲自甘母極滋味光緒三年旌任紹桂字馥堂三原人充撫院吏幼事母能順其意母歿甫十齡

日常哀戚不預慶賀事及長好讀書嘗書孝悌忠信禮義廉恥八字於木簡以自勵事父敬謹愉婉終身無慢容喪葬皆竭盡心力  
光緒三年旌

李懷蔭字澍堂三原人鄉賢廷佐孫道光丙午大飢倡捐銀萬餘兩賑八十餘村甫竣而亡巡撫林則徐旌其門

郝德智三原人爲人寬厚設義學賑飢民前後出粟近二千石有售田產者必令出質券後又讓價聽贖日業失則終貧矣鄉人多感其德

劉映蓮三原人同兄映莖於嘉慶十八二十兩年代完本里逋賦銀八百餘兩賑飢並散籽種捐銀四千二百餘兩道光中捐備試卷銀三百餘兩修省城捐銀五百兩修名林橋亦捐巨款子樹堂庠生同治元年回亂捐城防銀二萬五千八百兩同邑劉榮緒捐續陝西通志稿卷八十七

人物十四

六一

修灞橋銀三百兩道光十六年本縣捐賑二十七年省城捐賑各一千兩與弟憲之賑涇原五百餘村捐銀三萬五百兩完本里逋賦修文峰橋卹樓底水災共捐銀三百餘兩咸豐元年修崇仁橋捐銀八百六十兩子生慧庠生三年捐修縣城銀五百兩省城團練銀三千二百兩完本里逋賦銷鹽課共銀三百兩回亂城防捐銀千五百兩憲之又重修名林橋及河隄共捐銀七百餘兩捐修灞橋本縣與省城賑濟團練皆輸巨款

劉映芑三原人修吳村橋捐銀九百兩修崇仁橋捐銀二千三百兩修灞橋捐銀六百兩道光二十七年賑濟二十九年樓底水災共捐銀八百餘兩子慶雲咸豐三年修縣城捐銀三百兩同治元年本堡防守捐銀三千二百兩本縣城防又同叔父映芑共捐一萬二千兩光緒丁戊賑飢散籽種共捐銀三千七百兩

李榮基字培初三原人諸生孝友淳雅讀書好博覽事母依依不忍離嘗訓蒙某家甫十餘日忽夢母跌傷臂即辭歸母臂果傷人謂有齧指之誠待弟尤篤愛亂後以貧故遠館及歸母已歿悲泣過甚未幾卒學使旌其門

張登甲字鼎三三原人太學生好義疏財有姻戚王某將歿以家貲數千金託寄並求教其子後登甲時加訓誨至於成立仍還原金一毫弗取歲歉爲族黨代完逋賦邑令表其門

劉映菁字毓英三原人性孝友慷慨好施尤明大義咸豐元年捐修崇仁橋銀二千兩修堡城捐銀五千兩同治元年回亂本縣設同德局捐銀三千兩城防捐錢千緡並捐西陽陵前雲陽各團銀六七百兩本堡辦防捐銀三萬兩代完逋賦並修渠堰共捐銀二千兩亂後散給閭縣牛種捐銀二萬四千兩事聞特詔嘉獎命巡

續陝西通志稿

卷二十七

人物十四

八

撫賞給義卹鄉鄰匾額又刊行正學書數種後祀孝義祠

潘秀雄三原人有至性母患癱瘓因置小輦令子孫牽於前而自推之冬就暖日夏就清涼以悅母心如是者累年母歿遭回亂率勇擊賊不勝死之同邑麻汝棟與弟汝林友愛甚篤衣食悉推讓鯁直端謹安貧知命鄉里稱爲古人回亂皆被害

郭景震三原人同治元年邑設同德局捐銀五百兩城防捐銀一千二百兩子璫字次玉副榜築修堡寨光緒丁戊大饑賑卹籽種共捐銀二千數百兩

王瓊三原人事母孝正直好義爲保正鄉人有爭端得其一言咸敬服去道光丙午饑出麥百餘石散給村衆及親友焚積券恤困客多不令人知公舉鄉飲介賓年七十有八卒

張來鳳三原人庠生回亂城防捐銀三千二百兩又馬燭貢生捐

銀一千六百兩

李瑛字輝山三原人道銜工部郎中鄉賢廷佐曾孫能守好義家風道光二十九年樓底水災奉母劉氏命倡捐巨款拯救難民咸豐元年修崇仁橋捐銀萬兩回亂城防捐銀八千六百兩立永遠局捐銀三千兩其他善舉甚多光緒丁丑大饑瑛忽亡遺命捐銀三萬五千餘兩通賑閩邑貧民總督左宗棠旌其門曰行道有福事聞議叙嗣子郎中

劉昇之字東初三原人諸生湖北候補知府映善子光緒元年同族姪質慧捐麥千石依朱子法立推惠義倉以贍其鄉三十餘村貧民丁丑大荒倡捐麥穀各五百石明年散籽種又捐麥一百石銀一千二百兩捐宏道書院膏火銀一千三百兩刊刻朱子及儒先書多種

續陝西通志稿

卷八十七

人物十四

九一

劉質慧字季昭三原人優貢生憲之子孝友純謹好施與樂與賢師友游刊布先賢書數十種捐義倉麥五百石自同治初防城守堡及邑中歷次公款捐銀至數萬兩子昌復奉母馬氏命於光緒丁丑大饑捐銀四千五百兩又捐籽種銀二千四百兩

李懋功字勳臣三原人嗣父錫齡見列傳懋功議叙知府同治五年奉本生父樹敏及嗣母曾氏命重修北關城垣捐銀四萬餘兩城防捐銀二萬三千餘兩光緒乙亥捐義倉麥五百石丁丑饑捐麥五百石籽種銀一千二百兩又捐京師潘家河沿住房二所共四十餘間爲本邑新館族人彭字少錢捐城防及修渠勸農籌餉各局皆奉母傅氏命出銀六七千兩至捐義倉麥及籽種銀數悉與懋功等

胡礪金字夢巖三原人議叙道員與弟刑部郎中礪鋒於同治元

年城防捐銀三萬兩防守關城捐銀三萬八百兩礪金子墻庠生光緒乙亥同礪鋒捐義倉麥五百石丁丑賑濟墻又捐麥五百石捐籽種銀一千三百餘兩礪鋒捐賑及籽種共銀三千六百餘兩

並縣志

劉慶祥三原人諸生議叙知府光緒丁丑捐賑及籽種銀二千三百兩同時張積善捐銀六千八百兩乙亥捐義倉麥五百石

吳中規三原人五世同堂七子九孫十五曾孫一元孫多入邑庠爲廩貢生閤家七十餘口中規年八十有九又周天祥賀福祿皆五世同居周敬道置倉贍族張應中諸生皆七世同居

劉永保號槐園三原人積而能散歲饑賑貸同里里無饑者又代完逋賦千餘金貧民得免追呼好讀書能爲詩著有瓦釜吟藏於家子鋒有孝行多義舉

續陝西通志稿

卷八十七

人物十四

十一

范孝子三原人失其名孝子業農母病醫者謂宜用猪肝市以進弗驗默念人肝當效乃禱於神以小曲刀剖其胸出肝寸許熟而進於母病遂瘳邑令旌其門並演劇以張之遠近會者千餘人爲之欷歔感歎不置云

並縣志

王承霖字益農三原人業商於省城性豪爽好施予樂與士大夫游不屑屑言利而所得輒豐親友急難故舊貧乏無不周恤同治初涇陽之變葬枯骨數十萬具捻匪亂後糧價翔貴預購粟百餘石以食餓者光緒丁丑大饑筆粟活其村族而於成長賑務襄贊尤力承霖精計然術洞悉中外財政利害如維持錢票議鑄銀圓當時或行或否皆可垂諸久遠故柏景偉劉光蕡諸先生交重之子煥章增生有孝行典章廩生四川打箭爐同知調署甯遠知府白恒昌三原人家貧業農父歿廬墓側攀柏悲號痛不欲生待鄉

鄰敦厚和睦有長者風年八十有九而終

范智吉三原人務農爲業幼失怙事母至孝偶與羣兒鬥母至叱之即俯首去或盛怒見母即變怒爲喜光緒初歲饑人相食智吉已有子矣度不能俱存乃謂其妻曰值此奇荒我不忍觀老母餓欲鬻子又恐傷母心不如爲汝謀一樂地汝可免作餓殍我亦得贖以活母矣妻泣而從之未幾餓如故遂負母携子覓食他方至涇陽傭工養母艱苦備嘗絕無愠色數年後乃歸里母亦以節孝聞督學旌其門智吉無力製匾嘗涕泣謂人曰我將死而老母節孝匾缺然死不瞑目矣衆多訕笑智吉竭力籌備卒製匾懸挂焉趙希忠三原人原籍山東濟南同治七年父保齡因貧出亡蹤跡渺然希忠昏惘無聊欲尋父而不得久之貧益甚遂携家轉徙至原爲人傭作漸有積蓄決計尋父赴山東故里不見乃走天津入

續陝西通志稿

卷八十七

人物十四

十一

京師於京北一帶逐處訪問誓不見父終身不還出塞至歸化城始得之時父子不相見者二十八年矣保齡年已七十餘鬚髮皓然精神矍鑠希忠奉之以歸隨養十餘載而歿

並探訪冊

楊德時盩厔人年十二喪父哀毀逾成人既葬日至墓側哀號不輟奉母賈氏曲盡孝養母失明德時旦夕禱神以舌舐日期年復明後母病復禱於神病遂瘳享年九十有三學使旌其門同邑嚴永善母死廬墓三年時以不及事父爲恨鄉人稱之

羅大興盩厔人三歲喪母八歲就外傳讀詩至哀哀父母生我劬勞句即涕泗縱橫後父被牽連繫獄大興匍匐求代備受拷掠大吏義而並釋之

張宗關號金湖盩厔人由武舉充駐京提塘少有至性父患惡瘡宗關以口吮膿血盡出漸就平復母病殆割股肉入藥以進立愈

方春母欲食西瓜宗關爲孟宗之哭適有遠人來饋聞者異之性喜書及古法帖慕鄉先生李二曲之爲人絕意仕進事父母終身孺慕不衰及卒學使題其碑曰孝子張宗關之墓

馬可法罄屋人性孝友母病唯鯽可療值嚴冬竟鑿冰得之父往渭灘牧牛可法念父飢裹餼往饋徒步至中流適水大漲如有人翼而行觀者驚異父患腿疾欲赴溫泉洗濯相距數百里力不能具乘乃覓小車輦父往浴竟愈後家道稍裕同族待其婚嫁者不可勝計親友借貸不能償者輒焚其券乾隆三十五年大饑出粟賙恤全活甚衆五十二年旌表

焦志秦罄屋人少失怙恃祖母徐苦節善病志秦侍奉湯藥不倦及卒廬墓悲號絕意仕進惟溫經史課子讀以終身著有率性集同邑紀乃績家貧嘗爲親負薪米於數十里外父母歿廬墓三年

續陝西通志稿

卷八十七

人物十四

十二

未嘗入里門後家日饒時以不及奉養爲憾歲免逋租若干以資冥福鄉人稱之

李培本字道生罄屋人貢生性純孝喜讀性理小學近思錄諸書視聽言動一準程朱禮法居父喪三年以庭爲廬平居事母重在養志師歿爲之服期而易其常嘉慶戊午白蓮教匪滋事培本勸村人築堡聞者多非笑之稟縣又不報遂謀負母遠避未果賊猝至遇諸途培本大呼曰勿殺我俟我入村見母死無憾賊竟殺之閭村亦被慘禍人乃服其先見建祠祀之

王上林罄屋人武生花門之變鄉人約以死守或逃則毀其廬賊猝至村中大亂上林母老病促上林逃泣曰死生有命我何忍捨母而求生哉堅守母側賊憐其孝並釋之

吳廣浩罄屋人性至孝母病嘗糞而甘哭泣不止旣歿廬墓夜恒

覆土墓上久之墓高大兄詢問始知其故父歿亦如之匪人毀其廬則徹夜徘徊風霜中戀戀不忍去兄因訟累羈押每日黎明必往視入夜仍歸墓側顏色爲之憔悴不自覺也由是孝友著聞鄉人咸感化焉

毛人龍蓋屋人庠生父賈於蜀時方用兵流寓巴西十七載無音耗人龍甫弱冠聞關跋涉抵蜀卒得所在迎歸奉養以壽終又劉永字長園幼失恃父對峯營業於新疆迪化府永年甫冠日思尋父聞邑人毛人龍故事即有生不見父不可爲人子之心毅然赴新沿途草行露宿備嘗艱阻精誠所感鬼神呵護果得見父涕泣勸歸以壽卒於家

李佳品蓋屋人庠生遭父喪兄貧不能襄事乃出己貲以兄命行之撫六姪九甥一如己子順治十四年康熙十三年兩值旱災前續陝西通志稿卷八十七人物十四  
十三  
後發雜糶千石濟之又捐房院以廣學宮助人婚喪贖人子女諸善舉不可勝紀

王迹蓋屋人父成勳康熙間曾捐賑迹承父志復於六十年及雍正十年施糧數百石以濟飢乾隆四年又出白金以完民賦子作哲亦好施予無忝祖父

王啟監蓋屋人康熙六十年歲大饑與弟命監散穀一百五十餘石雍正十年又散麥百餘石全活甚衆

杜溶蓋屋人歲旱蝗成災所居臨川堡民千餘家強半斷炊溶出粟千餘石賑之辛莊民人於葦園渠建修石橋溶又飲助多金

張斗南字一人蓋屋人武生性坦白質直好義年已六十值教匪陷堡城斗南避匿樓上有少婦來求同匿斗南即遠嫌躍而下被賊刺死少婦得免後乃披麻哭墓以報之當危亂生死之際守禮

如此平日品行概可見矣

呂毓韶盩厔人幼失怙性孝友爲族黨所推重同治紀元口回擾境毓韶負母逃難道遇賊以孝釋之光緒丁丑飢捐粟數十石助賑又與邑紳懇請縣令設賑務局以濟貧民歿後鄉人懷其德公

送匾額

並縣志

楊文蔚渭南人諸生居父喪廬墓六年哀毀骨立撫愛幼弟常同臥起教育成立

嚴邦佐字君衛渭南人幼知色養比長孝益篤遠近交稱之母死廬墓朝夕哭拜三年如一日鄉人稱其廬曰嚴孝子廬子時仁於邦佐卒後仍居父舊廬三年孝行相繼一時播爲美談同治元年時仁曾孫樹森官湖北巡撫奏准旌表

雷永平渭南人務農爲業事繼父委曲周摯務悅其心父患癱瘓疾乃以家事付子姪終日侍側嘗藥餌澣便溺抱持扶掖晝夜不離亦不許人代如是者十有四年及歿號泣不絕葬後日必詣墓側省視終其身以爲常

賀福章渭南人性至孝父清純犯法福章痛父罪不可道乞代受杖責又寄身囹圄備受痛苦同邑郭有慶事親以孝聞母歿未葬住屋失火有慶伏柩哀號竟返風止火僅留屋上十三椽人以爲孝感云

雷發財渭南人事親色養無方家貧甚爲人執役西關母嗜粳米飯發財由縣市購其熟者疾趨至家乘熱進之歲無虛日母死號泣仆地斷指含母口竟甦又五年而歿後家道漸裕尊師重儒其孫秉乾中同治庚午舉人官山西直隸知州

楊春蔚渭南人增生事親孝母年逾六十嘗作老萊戲以娛之同

治壬戌之變負母逃避險阻備嘗得免於難同邑嚴士奇事母色養備至回亂負母逃遇賊以身護母子刃迭加母子俱死又陳文正純孝也丁卯賊至母柩在堂移殯園內命家人逃散而獨守之被執罵賊死又魏承科母老且病艱於步履回亂命承科逃泣曰母子生則同生死則同死安忍棄母獨去賊至欲殺母承科以身翼之受傷死

趙立義渭南人孝行素著父母相繼歿居喪廬墓逢時祭號泣終日若新喪然負土壘墳高丈許人呼爲孝子墳同邑常鴻祿以孝聞親歿哀毀骨立廬墓三年負土成墳過其地者亦稱爲孝子墳又劉思愷田廷惠木匠田正法皆有孝行親歿哀毀廬墓各三年張興勝李永德田林茂俱渭南人以農爲業母病瘵羸垂危旦夕祈禱哭踊或割肱或斷指和藥以進病皆就愈

續陝西通志稿

卷八十七

人物十四

十五

楊茂春字仁暢渭南人性孝友純篤人稱長者嘗侍父病至廢寢食以腴田祖居讓弟尤憫恤孤獨每捐金爲養生送死計無告者賴之於道拾遺金坐而待至則還之亦不受謝族鄰有隙力爲排解且出金以息爭前明崇禎間值歲大稜貸粟及金七百餘以贍本族暨鄰村金何孫楊四姓之飢者復出麥百餘石代償夙逋歿後共立祠肖像祀之香火逾於寺廟其盛德感人如此

馬瑞龍渭南人性樂施歲饑出粟百餘石散給族黨有夏秋稅不能辦者並解囊以助鄉里以善人稱之子攀春有父風樂善不倦拾金百數十兩令人守待五日以原金還主又出債券百餘紙共五百餘金語其子曰負債不能償大抵皆貧人爾爲我焚之勿責償也鄉人歸義焉

趙風漣字宜泉渭南人庠生好施予有族孫元貴幼失怙恃風漣

收養終身爲之成室並婚嫁其子女歲饑屢散錢粟不下數千金捐置義塚地設義學施棺藥又出千金修本鎮城門歿後多流涕者孫元中另有傳

劉帝襄字右荆渭南人大使澤生次子江西糧道堯裔弟也考職縣丞乾隆辛丑壬寅歲歉出粟以濟族黨澤生聞之曰何不仿義田爲久遠計乎乃積歲入所餘置義田四百餘畝並祠堂義學族人賴之時大吏檄各屬典當每歲十二月減息爲二分帝襄慨然曰常年減息不更愈於一月耶遂設二分典於里中由是閭邑典肆俱以二分爲常其他善行多類此子敦化孫雲鴻皆登賢書人以爲利濟之報

口口鄰渭南人貢生乾隆壬子捐千金助賑口口壽亦於是年及嘉慶十年賑濟西關三社活數百家

續陝西通志稿

卷八十七

人物十四

十六

賀士英字達庭渭南人家本素封積而能散里中子弟因貧廢讀爲立義學延師教之每歲歉必散賑多至十餘次創修省城渭南會館計屋百四五十間置備器具共費三萬五千金補葺京師會館捐銀若干以惠士子巡撫徐斡疾典商之病民也諭飭各屬質庫減息僅改冬三月爲二分他月仍舊士英質庫在省者八乃以終年二分榜於通衢質物者不之他而之士英於是西同鳳邠乾五郡四十餘州縣質庫凡八百餘悉改常年二分歲省貧民息錢四十餘萬緡子振甲亦周恤不倦邑之樂善好施者必首推賀氏口口望字紹先渭南人道光二十七年歲歉在陽郭鎮附近各村散粟七次共費制錢萬緡捐修橋路並施田地四畝爲補修費又於本鎮設義學二置義田百畝施養濟院錢三百千修房二十四間以爲孤貧棲止之所後祀孝義祠子恒泰能繼父志咸豐四年

助粵軍餉銀二萬七千兩同治十一年捐城工銀三千兩廟工衙署銀二千兩光緒元年捐送閬邑縣試卷資銀二千兩三年奇荒捐麥二千八百石籽種耕牛銀一千兩可謂樂善不倦矣

曹崑璋字峻峰渭南人兄元福事繼母孝多義行人稱介亭先生縣志有傳崑璋以父老賈蜀家口衆多廢讀改業至蜀以忠信著同鄉咸倚重之商業大起元福寄書謂支派漸多後必析箸與其子孫他日致爭何如弟兄今日相讓遂依兄命與諸弟析爲五家一切均分不私財物後諸弟家財漸耗又以節存萬二千金散之白蓮教之變崑璋偶自蜀歸遇賊於雞頭關行人多遇害崑璋潛伏山半土地廟前草中爲賊所覩跡之甚迫忽有巨虎咆哮自廟後出賊人馬俱驚走得免乃捐金修其廟往來必致祭焉

焦榮棟字勉茲渭南人性好施植品端正舉鄉飲正賓邑中修武續陝西通志稿卷八十七人物十四十七  
廟葺書院皆輸金襄其事咸豐間輸金數百助軍餉邑宰旌其門他若建廟宇補城垣修廬井設義塾善行不可枚舉嗣子振甲湖北候補同知以千八百金倡建會城鄉試新館捐田一百五十畝作義塾經費可謂能繼先志矣

焦口棟字秋圃渭南人榮棟弟同治壬戌口寇擾境回匪作亂口棟奉邑令諭舉辦鄉團以千金築村堡藉資堵禦將軍多隆阿西征倡義助餉口口口金奏獎花翎捐助京師圓通觀粥廠敦仁堂藥棺局月費並施棉衣庚午築縣城輸金數千又助修省會貢院捐送卷資光緒丙子輸社倉麥若干石丁丑大饑輸麥千石助邑賑鄉黨貧乏者量給錢米庚辰又輸社倉積麥千餘石

武鴻模字廉泉渭南人性純厚嗜學凡先儒理學書如橫渠涇野少墟二曲各集皆丹黃而默識之薛思菴野錄板久燬爲之重梓

憫鄉間寒峻力不能讀創立養正義學二所置田三頃供師生脩脯學規以小學爲始深得聖賢立教本旨他若修先祠置祭田立義倉掩骸骨諸善行皆樂爲不倦居母喪哀慟成疾而卒鄉人爲豎德行碑

口允清字漣漪渭南人候選直隸州同同治壬戌回亂督師曹克忠西征允清有典肆在甘肅莊浪縣積粟二千餘石函諭司事悉充軍餉後賊圍城軍士枵腹又輸麥二百石銀五百兩縣城得以弗失

以上各傳因縣志傷損姓名銀數不全另覓那得俟考

李瑛渭南人回匪之亂其父被擄瑛與妻趙氏乞留父命致受重傷趙氏罵賊投井死瑛死而復甦者再後避亂赴蜀值時疫大作即捨藥於成都又寄貲以助本鄉之無依者本鎮建築堡寨慨捐百金並輸賑濟銀二百兩義倉麥百餘石省垣建修鄉試新館亦續陝西通志稿卷八十七人物十四

十八

助百餘金

並縣志

趙元中字乾生號月槎渭南人高祖廷桂以廬墓旌表賞生員祀孝弟祠祖風漣有義行見前傳兄炳堃道光乙巳進士禮部主事權中朝邑訓導殉回匪難另有傳元中由廩生議敘詹事府主簿軍功保加員外郎銜口回之亂奉母避居河東督師多隆阿入關面陳剿賊方略督師偉之欲延致幕府以母老辭亂定歸里捐修邑城文廟橋梁及多公忠烈各祠搜訪死事邑令曹少舉典史章雲峯並男女之殉難者均附祀焉尋以擒匪竄陝奉母移家省垣奉檄查西門修東郭會辦保甲勞怨不辭光緒丁丑歲飢元中捐鉅金助賑不邀獎敘庚子兩宮西狩復值大稜襄辦總局賑務並捐萬金子四品頂戴賞其子知府元中性孝友而謙和見義勇爲恒若不及凡施醫施棺暨各善局義舉皆慨任之尤邃於經史博